

明善堂詩集

明善堂詩集卷三十目錄

癸未

新正六日試筆

追和

紫瓊廿一叔紅橋別墅六景詩卽呈

經畚主人

杏花菴

雲渡橋

魚樂亭

芙蓉洲

來禽塢

烟月泝

二月八日外舅常公蒙

恩特授天津水師都統詩以誌賀

內大兄泊荷

恩命新除西安副都統之任詩以賀之

送外舅往鎮天津

紀行詩十六首

仲春請假恭往涑水展 祀出都望西山

過蘆溝橋

宿金氏山園

夜宿上樂村

清明前一日恭詣

王考寢園展祀

至先室山園

題張監山居壁

清明展祀訖散步郊垌

紫涼寺

至獨柳村傅氏廢園

過劉李河

再過弘恩寺

行園

晚歸再宿金氏山園

遊古梁園

卽黑公別墅

展謁外氏祖太保藍公塋兆

抵家

暮春移居

賜園喜而有作

望夜園居

種花

晚窓閒適二首

次韻鶴亭題余紀行詩卷

題畫木香花和

經畬主人韻

再至芳蔭別業

對月

入直歸喜雨

喜晴

閒步池上

和易堂西苑道中卽事

和易堂過高粱橋

園桃旣熟因分饋諸人咸以佳詠報余卽次

易堂韵用答品題之盛也

題敬亭春遊詩稿後二首

中秋後次敬亭韵索易堂和

秋柳五首

朱鑑塘首倡
傅香林補圖

暮秋月下索醫士強彩章彈三弦歌吳詞二
首

九日小雨次敬亭韵兼索易堂和

余素不喜作綺語而易堂亦深蠲往習昨閱
琪園李庶常戲贈詩六斷句未免見之心
喜因與易堂戲一效之不知其詞之艷也
此山谷老人所以受喝於一秀禪師耳
余閱內典有與濂溪紫陽之說相表裡者因

拈數偈以爲苾芻問答四首

冬至和易堂感懷韻

明善堂詩集卷三十 癸未

新正六日試筆

昭陽逢協洽
欣指玉衡東
北極雲紉縵
南山氣鬱
蔥桃符懸戶
外栢酒泛尊
中明日靈辰
屆金旛拂
暖風

追和

紫瓊廿一叔
紅橋別墅上
八景詩卽呈

經畬主人

杏花菴

明善堂詩集

卷之三十

春色鬧枝頭顛風落紅雨此是破裊禪試問菴中

主

雲渡橋

一桁曳風裳閒雲忽凌亂俯矚水底天長吟過溪

畔

魚樂亭

洋洋戲水魚一一煩神守俯檻兩相忘此樂吾何

有

芙蓉洲

芙蓉遶芳洲夕陽雲錦絢翠扇擁紅粧亭亭立波面

來禽塢

別館構山坳四圍花木繞手榻硬黃書珍禽集樹杪

煙月泚

臨流結暝烟月出光瀰瀰宿鶩起圓沙影落菰蒲裏

二月八日外舅常公蒙

恩特授天津水師都統詩以誌賀

豹韜虎畧值嘉時 恩出扶桑任指揮
垂老功名書竹帛 丈人貞吉筮雄師
雪濤乍捲飛舸艦 海日初昇罄藿葵

簡命忽馳三百里願公矍鑠慰余思

丙大兄泊荷

恩命新除西安副都統之任詩以賀之

父子繼承

恩綸音下九閭函關封自固涇渭水同源世德傳家

遠英名宿衛存過庭忠是訓贈別復何言

送外舅往鎮天津

桓桓英銳擁旌旄祖帳青門氣象豪重寄海邦稱
武庫威行甸服展戎韜鯨鯢浪偃昇朝蜃畫鷁潮
迎湧巨鼇契濶三年歸又別那能無淚灑征袍

紀行詩十六首

仲春請假恭往涑水展 祀出都望西山

小隊馳平陸征衣著短袍鳥啼前郭柳人折野園
桃蹊躑盤雲麓奔騰湧雪濤山家留信宿村酒慰

塵勞

過蘆溝橋

虹橋高跨據征鞍
曉霧朦朧月影寒
回首卅年重過此
試將清淺問桑乾

宿金氏山園

策馬行行衣覺單
到來山麓夕陽殘
草堂一宿羣聲寂
花映晴溪風月寒

夜宿上樂村

野火疎星古徑斜
車箱入谷有人家
不知春色餘

多少陌上東風吹李花

清明前一日恭詣

王考寢園展祀

山鳥啾嚶舞翠巒森森松栢碧烟寒省瞻園寢傷
何極愧述公忠志未殫勲績煒煌陳典冊貽謀諄
切勒盂盤德音陟降清明日風木餘哀淚不乾

至先室山園

高塚悲風雨山前淚自揮一抔埋玉骨百歲冷霞
衣鏡裡花光幻雲中月影微欲將琴寫意老僕促

日三言詩集
卷之二十一
歸歸

題張監山居壁

數椽以自適安分樂天全戶映青山色窓含野樹
烟編籬遮藥圃抱龕灌花田澹泊成真趣優游黃
髮年

清明展 祀訖散步郊垆

柳暗花明丙舍峯迴水抱山園展 祀禮成初返
風光歷亂前村

紫涼寺

他鄉風景正清明水複山重信馬行人到花宮初
寂靜僧依古木少逢迎豐碑漫漶前朝字新塔鐫
題老衲名日照牛羊下來暮綠楊紅杏綴春耕

至獨柳村傅氏廢園

駸駸車騎水東回野杏山桃一路開廢園荒涼誰
是主任教風雨漫相摧

過劉李河

劉李河邊水誰憐送客勞那看爭渡者偏不畏驚
濤

再過弘恩寺

古寺垂名久停驂喜再臨
風旛參妙旨粥鼓靜塵
心客至忘初地人傳昔
布金山僧留偈別回首日
西岑

行園

搆矢彎弧羽翼排韓盧競
逐響重鎗弦開脫手飛
鳴鏑決起山禽傍馬來

晚歸再宿金氏山園

回望夕陽西東風趁馬啼
青山留客住重到武陵

溪

遊古梁園 卽黑公別墅

燕南各地古城闌澄碧洲邊更少塵客醉天桃花
作錦蝶迷芳草縟如茵春光駘宕留征轡風景晴
和自可人一徑支筇立高阜輕舸誰繫綠楊津

展謁外氏祖太保藍公塋兆

豐碑何嶺業勲伐誌

興朝峻節遐方徧清名

國史標熊羆還繼美

外舅常公
新授天津都統

鷹隼自騰超大

樹遺風在椒漿奠寂寥

抵家

陟屺臨風起思歌歸來春日正清和
老親健飯
兒心喜燈下歡迎笑語多

暮春移居

賜園喜而有作

賜園初補葺風雨芘

恩新柳待清明綠花迎上巳春龍池涵

舊澤鶴柴靜無塵休沐清娛地朝宗達絳津

望夜園居

廣望亭邊月滿輪試憑水檻足怡神詩翁昔日題

各地桃面依然作好春

園中六景皆紫瓊叔命名

魚泳荇波晴

撥刺鶴行花嶼影逡巡因思摩詰山居趣風定村

尤遠吠人

種花

雨餘生意足插槿作花垣芍藥分前圃芭蕉傍小

軒折蘆扶弱質移石護靈根百卉霑天澤優游荷

主恩

晚窓閒適

開窓風景正相邀
春色迎眸入望遙
無數落花隨水去
漁舸斜繫小紅橋

閣閣聲喧兩部蛙
青蒲紅蓼茁新芽
飯餘捫腹穿花徑
策杖逍遙學道家

次韻鶴亭題余紀行詩卷

偶把遊鞭憶舊詩
可知潘鬢異前時
風情老大渾消減
回首郵亭繫所思

題畫木香花和

經畬主人韻

素蕊清芬照暮春詩傳畫意更精神一枝移向青
燈畔錯認名花當玉人

再至芳蔭別業

習靜偏宜首夏時水軒亭午漏聲遲虛窓四面好
風入新漲半篙濃綠移學語燕雛驚我至忘機鷗
侶不吾疑揭來萬慮清如洗目送閒雲心自怡

對月

恰逢三五夜風景正清和
掩藹窓虛靜玲瓏樹影

多紅樓吹玉笛白紵緩徵歌別有澄懷處忘言奈
樂何

入直歸喜雨

屬車精禱降龍潭步從勾陳 法駕參盡識

宸衷通

帝座漸看膚寸疊層嵐清塵浙瀝如膏滑潤物罪微
比露甘僦直歸來池上望縠紋新漲似揉藍

喜晴

雲銷翠巘喜初晴草木滋榮萬彙清魚咬萍開翻

細浪燕飛花落剪殘英鈎簾遠黛峯千點俯檻澄
懷水一泓雨歇園林添霽色綠肥紅瘦不勝情

閒步池上

黯黯重雲將送雨風吹萍葉亂青錢扶疎新綠粘
衣袂手決流泉漑菜田

山色遙臨聳黛螺徜徉風景足吟哦尋幽目送閒
雲去步屨緣溪踏軟莎

和易堂西苑道中卽事

肩輿城外踏西坡十丈嵐光聳岌峩濃綠暗時鶯

語澁軟紅破處玉驄過薰風徐引朝曦爽甘雨初
收霽色多幾處名園依淶水繚垣芳樹影婆娑

和易堂過高梁橋

苔色縈烟結綠沉紅欄亭子印波心飛梁跨水達
青翰阿閣連雲栖綵禽謝客揮毫吟麗句遠公結
社向東林秀厓昔住錫壽安院不晤者數月矣筍輿歸去垂楊岸幾
點昏鴉度碧岑

園桃旣熟因分饋諸人咸以佳詠報余卽次
易堂韵用答品題之盛也

種自畿南呈異品

桃有數種出自畿輔地名白狼蟻

年年摘實早

秋時分甘不獨家庭徧餘蔭還思世澤滋

樹德百年種此

已及兩世微物傾筐真不腆佳章滿壁可忘饑瓊瑤屬報非吾意靜誦當年抑誠詩

題敬亭春遊詩稿後

踏春佳句敬亭遊坐待流光又素秋明月清風兩無價筆床茶竈一扁舟

秋菊春蘭各不同酒盃放浪墨初融牧之白也風流甚想見吟懷氣象雄

中秋後次敬亭韵索易堂和

肅肅商飈吹敗葉玉壺霜月明於雪萬里初看一
鏡昇徹燭卷帷清景絕誰其泛舟作三弄老蛟起
舞柯竹折浩歌雄談興正濃仰看飛鴻雲際滅擘
箋授客夜未央落筆還同飛電掣長安年少縱輕
肥老大如余嗤綵纈搔首西風嘆二毛手折松枝
罪玉屑圓影空明色相俱潑永涼波滿飄瞥星漢
橫斜宿鳥驚嘉會他年良可說解衣贈卿稍禦寒
莫使老儒身似鐵

夜深寒氣侵人
余脫綈袍贈之

秋柳五首

朱鑑塘首倡
傅香林補圖

搖曳靈和歲月深
風枝露葉起清吟
詩禪畫偈知多少
點綴秋光無限心

西風憔悴晚涼天
漸損蠻腰賸可憐
黃葉有情依舞榭
長條欲化楚宮烟

馳道如弦度陌阡
秋園景物總堪憐
永豐東北無人眄
幾樹斜陽咽暮蟬

涼蟾疎影正離離
銷盡章臺婀娜姿
無復當年青眼在
東鄰愁煞老蛾眉

幾點昏鴉集暮寒
綠陰委地劇凋殘
直須更倩花奴手
喚取陽和滿玉欄

暮秋月下索醫士強彩章彈三弦歌吳詞

國手年來慧業深
丹楓黃葉感秋心
相逢莫負霜天景
阮撥吳歛搗好音

蕭蕭落木滿庭除
璧月當空夜氣虛
雅調清音歌七字
吳江秋思洞庭初

九日小雨次敬亭韵兼索易堂和

蛩音斷續方在宇
細雨黃花滿庭戶
西山嵐黛遠

迷離坐攬雲烟臨澹圃登高作賦負佳辰誰把茱
萸勸酒脯龍山戲馬真英豪歎息風流足千古巡
檐獨咏杜陵詩泥滑扶筇自撐拄冥鴻翅濕猶高
飛萬里呼羣宿沙渚忽憶西窓讀易人閉戶瀟瀟
獨聽雨

余素不喜作綺語而易堂亦深嚮往習昨閱
琪園李庶常戲贈詩六斷句未免見之心喜
因與易堂戲一效之不知其詞之艷也此山
谷老人所以受喝於一秀禪師耳

尺幅傳來黃絹詞鍾情不獨是蛾眉鳳池有客風
流甚彩筆新翻楊柳枝

名花似貌貌如花弱體臨風裊裊斜翩若驚鴻心
欲醉玉驄偏繫玉人家

何須佳麗擅揚州不解金貂醉玉樓却讓玉溪書
小字爐香茗椀伴吟秋

檀槽合曲競紅粧回首新歡漸渺茫粉署無端傳
七字斷腸不是杜韋娘

一串歌喉起棟塵雙蛾入鬢口朱勻人間真色姪

多少別是當筵窈窕人

陶情詩酒兩相娛
手爇名香品鵲鳩
寫罷烏絲剪紅燭
輕寒入夜逼羅襦

余閱內典有與濂溪紫陽之說相表裡者因拈數偈以爲苾芻問答

不必論有無何曾分爾我
摧冰復爲水擊石乃見火

有相旣非真無相○中錯有無○中叅○⊕其誰作

妙理自真空真空本無著空著兩相忘夜半風前
鐸

變變空中雲滅盡還復生雲生與雲滅不礙太空
名

冬至和易堂感懷韻

風定旌竿夜漏稀香溫獸炭列紅圍梅花香國信
不遠鴻爪天涯遲未歸但覺一陽從地起已憑六
琯候灰飛却憐佳節惜騰過懶撫瑤琴理素徽

明善堂詩集卷三十一目錄

甲申

新正試筆

新正五日值禁中咏雪

輓天津都統外舅常公四首

靜園十景

拙齋春永

東岫迎嵐

南窓霽雪

北閣晴雲

西軒聽雨

禪龕清磬

秀亭霜月

蔬坪逸致

芸廊度雁

突室吟寒

春遊小草

并序

香山道中

過玉泉山望香山碧雲諸勝

普覺寺

卽臥佛寺

娑羅樹

登五華寺棲雲閣觀壁間

經畬主人題句

過耶律楚材墓

昆明湖堤上作二首

同易堂遊覺生寺贈秀上人

黑龍潭

溫泉

目録
三言集
二
溫泉道中遇雨

大覺寺遇雨

白家疇

杏塢

藥闌

飈館

月渚

漁磯

鶴柴

花畦

蔬圃

荻港

竹坪

芝逕

柳汊

夜雨漫興二首

都統常公窀穸玉泉山麓詩以誌哀二首

雨中觀荷仍用夜雨漫興韻二首

季夏題東悟禪師朝五臺偈後

雨中過易堂

題畫

恭輓寧王四兄四首

澹圃同易堂坐蔬坪閒眺

九月十六夜對月有感

九思大兄屢規我失 復以飲饌不節遂致

胸膈不利更蒙餽丹藥餌之輒愈因成二

斷句致謝且以自警云

以盆菊贈

經畚主人承見惠佳咏卽次元韻奉答

題畫梅謝

經畚主人

和

經畚主人見贈元韻並詢近疾

明善堂詩集卷三十一

甲申

新正試筆

綺陌條風至晴光麗日濃
瑞烟凝複閣佳氣滿崇墉
太史占雲表農官紀歲雍
西軒梅蕊好岑寂發春容

新正五日值 禁中咏雪

建寅方五日雪向直廬飄
鳳閣梅爭舞龍樓玉乍雕
煮茶春澤滿敲筴逸情饒
誰識三眠柳飛花綴弱條

輓

天津都統外舅常公

懋績光三紀親情重十年
韜鈴方衛霍臭味比蘭
荃作鎮思傾日貽謀嘆逝川嗟

公摧玉樹使我淚如泉

至戚空悲咽因思淑女歸
壺儀會共重庭訓實堪

師槩戟威名久桑田蓄產微

昔諸葛武侯有桑八百株遺其子孫

年清似水古道似君稀

藥石追良語箴規不再聞
守身崇孝友爲政矢忠

勤矜恕憐童穉寬嚴協衆羣

英光殊不遠三爵耐芳芬

總帳寒春夜濡毫撰詠詞風淒追邈漠月落重酸
悲

典錫龍章耀佳城馬鬣埤老成真國器赫赫紀豐碑

靜園十景

拙齋春永

抱拙獨忘機黑甜真味永花間啼鳥聲春色閒中
領

東岫迎嵐

一雨洗嶺嶸翠黛時延佇無限白雲飛變滅歸何所

南窓霽雪

北風背戶牖日射瓊瑤繞語童勿掃除夜照攤書好

北閣晴雲

高閣倚南薰閒雲自來往何似無心人捲簾致朝爽

西軒聽雨

捲幔雨瀟瀟
枕簟涼生夜
聽到小窻明
苔濕閒階下

禪龕清磬

趺坐習觀心
貝葉閒繙覽
泠泠清磬音
敲盡煩囂感

秀亭霜月

寒林歸暮鴉
月上東山白
著我此亭中
霜華滿瑤席

蔬坪逸致

學圃豈余心種蔬如錯繡黃花雨後開紅甲霜前
厚

芸廊度鴈

策策井梧凋蕭蕭風竹送一聲白雁秋叫斷羈人
夢

突室吟寒

突室可禦寒詩人坐三四偶成白苧詞譜入琵琶
字

春遊小草 并序

晴霄芳甸人在水淵碧水朱欄境逾蓬島
矧乃端居多暇偶因退食從容偕從登山
更著阮生之屐尋僧投社還追謝客之吟
騁妍景以忘歸命儔嘯侶惜餘春之爛熳
拾翠拈花聊述短章用貽同好

香山道中

一鞭遲日下山勢遠摩空杏老飛殘雨蒲新颭細
風尋芳穿石徑覓句駐花驄迤邐嵐光合人疑在

鏡中

過玉泉山望香山碧雲諸勝

青龍橋畔水潄潄
巒翠迎人擁髻鬟
曾寫孱顏入圖畫
今如身在畫圖間

曾陪

翠輦入諸天
紺殿青蓮結瑞烟
朝罷藍輿重過此
看花擬欲問南泉

普覺寺

卽卧佛寺

路入招提境
重瞻古道場
宗風叅老衲
覺海悟空王

王石徑緣苔滑松陰入席涼已公遺拄杖助我步

趨蹌

時方丈僧以杖贈余

娑羅樹

靈榦不同蒼荀參天蔭滿禪龕懶伴蒼髯古叟會

依黃面瞿曇

登五華寺棲雲閣觀壁間

經畬主人題句

五華高閣凌青天雲扃岫幌當其巔退翁亭西重
懷古携童招客心悠然東山風流已絕世吾家小

謝追前賢清詞麗句憂天籟翩翩筆勢銀鈎懸我
生雅有山水癖但逢佳處頻留連櫻桃花謝奈花
白間關好鳥聲如弦尋源豈惜踏澗石繞趾激激
鳴清泉人生出處貴適意何暇對景論枯禪

過耶律楚材墓

文正抔封何處看行人指點近湖干靈祠雖建青
山麓遺像空瞻碧水寒一代元臣憂國本千秋勲
業志辛酸蘅芳欲薦忠貞魄駐馬西峯日已殘

昆明湖堤上作

千頃湖光碧何須跨六橋波聲朝帳殿樓閣倚層霄

青雀飛奩鏡金牛跨釣車逍遙楊柳岸何自覓靈槎

同易堂遊覺生寺贈秀上人

紺殿斜陽裡携賓暫憩鞍僧應如古德名豈問豐

干龍象諸天靜蒲牢法界寬

寺有巨鐘明永樂年造上鑄華嚴全部沈

度書楷法精好拈花叅妙論門外已春殘

黑龍潭

靈湫神物隱老樹拂清和
吠蛤催時雨川禽舞綠
莎簷阿圖海蜃雲氣起
澄波虔禱非無事來牟望
澤多

溫泉

廿載復來遊風景較前別
惟有此中泉與人無冷
熱

溫泉道中遇雨

黯黯雲陰覆宇低林中笋竹迸新泥
秀亭題句何人識冒雨捫巖綠蘚肥

大覺寺遇雨

雲脚溟濛山磳硯冒雨行人濕毛髮綠愁紅泣興
如何入寺肩輿堪小歇邃館初開梵率天飛泉正
傍

行宮前陂陀

睿藻編甲乙琮琤寒玉鳴濺濺老僧煮茗拾山果相
對忘機延客坐雨如濺珠天欲昏好景匆匆看不
盡山風吹人衣袂寒雲迷草滑行路難可憐我客
尚賈勇策騎不憚臨深湍

謂易堂

平生亦具山水癖

梵夾行滕共朝夕此行遮莫笑愴惶猶遜韓公與
謝客

白家疇

筇輿停處雨瀟瀟暝色蒼茫路正遙野鳥向人尋
晚樹山僧勸我駐行鑣神憑

閔殿思遺緒字撫豐碑志

兩朝只恐雲深溪逕黑馬蹄蹴踏過山橋

杏塢

鳥啼春色濃窻外團宮錦把酒酌花神相將文字

飲

藥闌

婪尾放清和瑞露滋芳澤五字足哦吟流風同謝

客

飈館

開戶倚南薰清飈拂人好何必論雌雄炎蒸爲我

掃

月渚

皓月出林端夾岸光瀾瀾只在水中央誰云隔千

里

漁磯

柳下碧潭清
磐石踞其次
欲釣槎頭鱖
忘機魚不餌

鶴柴

樗散似山翁
棲遲同羽客
六翮養初齊
爲結青田柵

花畦

畧約渡青溪
紅紫紛娛目
晚涼微雨過
花氣正清

淑

蔬圃

桔槔有危機抱甕亦煩數
菰韭足平章曾如天澤
渥

荻港

曲港隱蘆葦鰕子過兩槳
欲作采菱歌更待荷花
長

竹坪

修竹長新枝蒙茸拂階砌
離離瘦影翻已具干霄

勢

芝逕

澗汀倚雲根曲折采香逕雨餘芝菌肥行歌互相贈

柳汊

溪柳燕尾斜濃陰蘸深碧策杖立平橋晴霞麗初夕

夜雨漫興

涼颼颼響飛湍一片烟雲倚檻看閒拂瑤琴人

未睡芭蕉聲細雨將殘

雲收夜靜一燈紅無限幽情玉漏中却憶畫眉山
畔路瀟瀟風雨策青驄

都統常公窺窰玉泉山麓詩以誌哀

丹旄輜車引素驂生存華屋塋烟嵐音容往昔渾
如夢馬鬣青松土一龕

淅淅悲風黯黯雲低徊無語立斜曛回輿更墮楊
朱淚塵世泉臺此路分

雨中觀荷仍用夜雨漫興韻

明善堂詩集

卷之三十一

十

清風乍起激清湍欲褪紅衣帶雨看折向軍持侑
尊酒莫教池上任漂殘

田田翠蓋覆殘紅無限淒涼夜雨中誰似芙蓉城
畔主明粧千騎擁青驄

季夏題東悟禪師朝五臺偈後

日輪黃道馭飛錫五臺時足繭祈靈祐身勞答母

慈

上人至性孝母故不憚
涉暑而爲母祈慈護

清涼來樂國冰雪別炎

曦伽葉傳真諦寒山和舊詩蓮花開寶鏡芥子悟
須彌疇昔陪

宸輦曾參廣大姿

雨中過易堂

密雨晝如織透迤坐窓北仰看雲轉移不辨日傾
旻思我座上賓放曠晴何極笠屐往論文蒼苔盈
閭闕

題畫

一輪華月徹冰壺
鼓桂生香擁妙姝
點染若教馴兔伏
便應錯認麗華圖

恭輓

寧王四兄四首

夙齡悲失怙奉

母共相將璽綬叨餘烈藩屏藉耿光方期黃髮茂
孰意紫芝戕痛憶坡公語聯床夜雨涼

百年真夢幻弔影淚痕潛棣萼晞朝露駕行失舊
班那堪悲

白髮無計慰

慈顏丹旄青門去音容不可攀

痛哭城東路悲風拂素帷寢園衰草徧華表曙光

微卹典

恩逾重抒忱願已違
竟今歸未得濡翰紀遺徽

總角憐猶子
閨幃教育俱
霜天聞警鶴
夜月泣啼烏
幸有餘經在
應思燕翼謨
宗祊余重寄
太息視遺孤

澹圃同易堂坐蔬坪閒眺

秋色淨無塵
徙倚西窓畔
馴鶴立蘭汀
野雀窺亭幔
極目懷幽人
覓句佇鸞館
雨落染芙蓉
菰蒲已凌亂
西山爽氣來
揩頤坐霄漢
田塍菜甲肥
呼童

課漑灌頗似蕭散人優游卒歲晏

九月十六夜對月有感

星淡霜濃冷氣侵疎籬風動菊花陰天容我懶邀
天福月照余懷對月吟嘹唳塞鴻猶乙乙扶疎老
樹自森森望來勘得浮光幻敲徹寒鐘見素心

九思大兄屢規我失近復以飲饌不節遂致胸
膈不利更蒙餽丹藥餌之輒愈因成二斷句
致謝且以自警云

平時針砭良多益此日刀圭體復平棣萼情深無

以報書紳期不負余生

古人腐臙原垂戒口腹何堪累此身養性不須參
與木盤飡檢點樂天真

以盆菊贈

經畚主人承見惠佳咏卽次元韻奉答

百卉具已腴迎寒數鼓鞠粲粲綻霜苞泥泥滋淨
綠移根托瓦缶采擇薦華屋六命置頭銜瑣屑難
更僕詩情和且溫花氣清以肅落英殊可餐恬淡
自忘欲

題畫梅謝

經畚主人

律移黍谷憑梅信
點綴南枝態自妍
意外不須橫瘦影
月明疑對藐姑仙

和

經畚主人見贈元韻並詢近疾

才捷如君隼厲秋
余思騎犢滯獼猴
豈同藍玉酬

荆玉

主人以詩畫見贈余以詩畫報之來詩有完璧歸趙之句

未抵青州易趙

州

曾以元酒見饋余卽答以春茗

五鳳樓成誇好手
雙魚箋屢報

蒼頭語言文字將何補聞道維摩病欲瘳鵠白鴉
青應價重金鏘桂縛孰爲儔

明善堂詩集卷三十二目錄 乙酉

贈朱青雷

春雨索易堂和

和易堂投壺韻二首

晨雪至西園口占索易堂和

易堂饋酒詩以謝之

紀行詩

乙酉閏二月十一日再出都門

平上閘泛舟

潞河浮橋

途中卽事二首

錯橋

望盤山

登公樂亭探泉三首有寄

謁

陵藏事歸途雜咏五首

途中寒食

清明歌

至田盤

感化寺訪上人讀其所著詩

少林寺

古中盤

東竺菴

恭和

御製田盤韵三首

雲罩寺

盤山六章章四句

度歡喜嶺

盤谷寺

贈渭雲

回望

三河道中

近郭口占

雲林卽事

西園賞菜花同人分韻

雨晴

雨後同雲汀易堂渭雲賞牡丹拈韻分題

哭

果王

雨中秀亭看牡丹三首

聽雨

題清閒納福圖王商葵照

送張芑塘之獻縣

酬韶九春夜見懷元韻

題汪文端公遺照

題汪時齋扇頭小照三首

題沈巨瞻永慕圖

題射鹿小照

題畫荷魚

卽事索雲汀易堂渭雲和韻

初夏直廬遲易堂渭雲

題畫扇

題四色花畫扇

支子

素蘭

茉莉

鳳仙

送汪怡齋之官粵東

偕成致齋雨中觀荷卽次元韻並和易堂

恭承

恩命歸祝

母妃八耄壽辰因于西園演劇嘉筵志慶

和致齋秋懷詩元韻

有序

長至後五日祝九思大兄六旬壽

冬夜題畫

晚眺

冬夜示易堂

明善堂詩集卷三十一 乙酉

贈朱青雷

歷下知名士相逢慰所思
謝詩清且健秦篆古而奇
鶴逕苔痕淺鷄窓樹影移
還期花爛熳折簡待邱遲

春雨索易堂和

春雲俄作陣小苑雨廉霰
花萼紅初潤楊枝綠更添
峭寒侵綺閣點滴上猩簾
著屐尋芳徑新萸漸吐尖

和易堂投壺韵

一抹春雲澹碧空
新晴天氣畫難工
晝長偶效軍中樂
雅興誰能及祭公

清韻錚錚記竹樓
畫簾晴對暮山幽
與君不賭平

原飲

余與易堂投壺負者吟詩如籌數余勝兩籌易堂成兩絕句有西窓鎮日酒瓶空之句故

戲答

賭取詩籌勝酒籌

晨雪至西園口占索易堂和

踏雪至西園
乘興尋詩友
小立倚廂廊
竚看八叉

手

易堂饋酒詩以謝之

歸鴉作陣暮寒時
春雪盈庭花信遲
藉有青州從事至
金貂不用換深卮

紀行詩

乙酉閏二月十一日再出都門

澹沲風光柳色嬌
春明門外路迢迢
筍輿行處芳塵軟
欲寄離情似灞橋

平上閘泛舟

珊瑚鞭玉勒共遨遊
行到城隈盪小舟
夾岸天桃紅似錦
一川春水綠如油

似繡半篙新漲綠於油數聲欸乃漁歌起幾處呬
嚶鳥韻幽斜挂輕帆迎暮靄青旂風颭酒家樓

潞河浮橋

左輔遙瞻襟帶浮尋源曾溯玉虹流一灣翠色兼
天淨繞郭常聯萬斛舟

途中卽事二首

轉眼風光又仲春綠堤芳草綠如茵鶯花似欲留
行客蛺蝶紛紛却逐人

小隊頻臨古道邊隴頭稊柳碧含烟土膏處處蒙

天澤叱犢耕犁動陌阡

錯橋

溶溶春水綠痕添
靉靆晴雲沒嶺尖
臨洵城邊花
笑客吟鞭斜拂酒家帘

望盤山

望裏烟嵐疊嶂多
薊東雄鎮鬱嵯峨
春行是處添
吟興爲報山靈待客過

登公樂亭探泉三首有寄

公樂亭前水一灣
奩開明鏡墮烟鬟
勝遊却共山

陰客鞅掌欣偷半刻閒

微風拂水紫屏開白石緣溪茁綠苔俯檻還疑坐
霄漢靈源却向此中來

畧約循涯度小洲稻畦千頃護亭幽京華回首情

何限折柳封題古渡頭

是日遣騎
至京問訊

謁

陵藏事歸途雜咏

龍蹲虎踞護金扉
巒嶂蒼松碧四圍
回望鬱葱佳氣滿
百靈朝處五雲飛

錦樹微殷綴舊林舞風策策滿遙岑秋來葉待春

來賞造物留題伴我吟

去秋霜葉隔歲未凋尚可玩也

雲間細路共躋攀山寺無人晝掩關花謝水流叅
色相碧潭清淨露烟鬟

嵐氣濛濛雲脚生雨滋村塢杏花明提壺喚客且
歸去麋鹿迎人結隊行

郊原草色雨如絲寒食家家插柳枝少女風前花
爛熳呼童隨意注軍持

途中寒食

細雨濕桃花寒食今朝是絮酒與生芻無人弔田
子

清明歌

雨雪霏霏山之陂陟層巔兮逶迤天桃綻兮弱柳
垂水潺湲兮嶙峋危山之麓兮塚累累若有人兮
心傷悲奠桂醑兮陳詞想音容兮淚滋動行人之
太息感運化之難期

至田盤

策馬行行急山雲欲染衣萬松凝暮靄千像耀光

輝石古青螺幻溪清白練飛不須辭暝色乘興憺
忘歸

感化寺訪上人讀其所著詩

詩僧自昔知名久今日還來叩竹房
趺坐長明叅妙句鬢絲禪榻覺清涼

少林寺

飯罷乘遊興聞鍾叩上方
斷崖撐老榦修澗跨橫梁
粥鼓傳清唄浮圖挂夕陽
當年題壁處僧護碧紗房

古中盤

中盤凌絕頂雪竇灑飛泉五鬣堂前好逢僧話昔
年

東竺菴

廻環嶸嶠隱招提俯仰藍輿踏石梯直上穹窿最
高處淋漓

睿藻遍名題

恭和

御製田盤元韻

田盤佳處昔曾經再叩山靈歎石扃讀罷

御題還拂拭名藍幾度

翠華停

雲護松龕石隱牆紅泉詰曲界池方不須更結束
林社七字鐫題合瓣香

一縷茶烟當牖戶萬株松影恰盈堦老僧妙解西
來旨相對無言澹我懷

雲罩寺

塞垣雉堞抱孱顏雲罩峯頭雲自閒此日更窮千

里目振衣直上最高山

盤山六章章四句

陟彼崔嵬白石鑿鑿
蔦與女蘿施于中谷
維其高矣駿極于天
京師之野倬彼甫田
于彼高岡度其鮮原
或降于阿觀其流泉
邦畿千里維禹甸之
赫赫厥聲四國順之
習習谷風零雨其濛
雨我公田四方攸同
載馳載驅春日遲遲
會且歸矣云誰之思

度歡喜嶺

盤輿軒輊登峯頂坦步歡欣窘步愁詩筆賴君詮

甲乙

易堂

畫圖滿目足遨遊

渭雲

佛燈夜繞千盤

路舍利光涵百尺樓高處方知肌骨冷塞山晴雪
豁雙眸

盤谷寺

扶隱搜奇興不勝
徑出谷韻還承松花滿徑因
風掃更躡危梯第幾層

贈渭雲

八石何如雪浪三盤可抵蠶叢爲倩荆關妙手臥

遊歸對屏風

回望

田盤回首望萬仞露青葱東竺雲峯繞西甘烟樹
籠行塵千尺暗落照一林紅杳靄疎鐘斷黃昏到
薊東

三河道中

曉星殘月潞河東促御晨興句未工耕塢乍霑紅
杏雨行人偏趁綠楊風村邊老樹柴門迥郭外青
溪野店通莫怪征輶歸路緩花時行處每留驄

近郭口占

軟紅塵裡馬蹄催馳道如絃去復來烟景到春無
限好縠紋新漲抱城隈

雲林卽事

西園春色盡堪娛我愛雲林景物殊雲入遠山虛
室淨林撐深徑俗塵無窺人小蝶全迷草得水遊
魚半戲蒲作畫吟詩多逸興不須空憶輞川圖

西園賞菜花同人分韻

老圃經營我不諳春風聊復徑開三叢叢嫩甲新

花吐呱呱微香宿露含縱遜芳菲依閣北自饒葱
翠徧窻南平章菰韭非吾好撫物長吟素所耽

雨晴

枕上雨聲微平明達曙暉山拖青黛潤徑繞綠雲
肥鳥樂粘花舞蜂喧帶絮飛閒吟人未至塵淨自
忘機

雨後同雲汀易堂渭雲賞牡丹拈韻分題

花畦春雨足紅艷碧雲深垂首嬌難起扶頭力不
任碎珠排玉版濃露濕檀心倚檻多清興朝酣自

在吟

哭

果王

若木連枝秀滄溟質自全剛風吹遽折白日轉淒
然星隕平臺夕琴亡作噩年棣華嗟舊夢雁序悵
遙天忍見芝蘭萎難忘珠玉編夜臺歸底速碧落
去何旋設醴縈羣望擒毫悼衆賢風流昭代盛應

共紫翁傳

王之詞藻昔
紫瓊叔每器之

雨中秀亭看牡丹

輕雲壓鳳城花氣曉含清雨露滋芳圃嫣然無限情

的皪雨霑紅蕊霏微烟靄瓊裾開到鼠姑春晚流光彈指嗟予

裊裊花枝薄薄雲五銖仙袂鬱金裙小亭斜倚朱欄遍暮雨初晴日已曛

聽雨

撼撼度空庭冥濛雨不停濕雲迷遠岫薄霧結遙汀簾捲燕歸幕池清鷗刷翎西軒人境寂俗慮一

時醒

題清閒納福圖王商彝照

半畝桐陰映一編
出人情性樂天然
山光水色無窮福
誰識清閒是上仙

送張芑塘之獻縣

尊鱸豈必憶秋風
折柳三春望去鴻
酒入離懷斟欲滿
詩吟別緒苦難工
絮粘征袖鶯啼老
花拂珊鞭燕剪紅
聞道此鄉文物盛
好將健筆付郵筒

酬韶九春夜見懷元韻

詩酒清娛君素知寄將魚雁妙凝思西崑妙句古
相許北海芳尊今在茲月色溶溶人未睡花陰寂
寂漏偏遲佳章報我何珍重猶憶西園秉燭時

題汪文端公遺照

自昔親風度經綸屬老成高文光

黼座碩畫佐鈞衡想像鬚眉古流觀著述左祗徊
思大雅雛鳳繼清聲

題汪時齋扇頭小照

銀海渺洪波靈查泛瓊島芥子等須彌乘風入晴

昊

持節幾同博望浮杯有殊古
衲靈臺無事逍遙幻
海頽波一拉

清詞妙筆重雞林香海文瀾寫素襟
暫假仙槎同
貫月大千一握任浮沉

題沈巨瞻永慕圖

墨痕慘澹寫終天沈子哀吟劇可憐
此日濡毫神
彷彿他時捧檄淚潺湲青筠翠栢空留影
鶴髮冰
顏憶往年多少京華遠遊客北堂老眼望應穿

題射鹿小照

向生下筆好奇古紅葉秋深風亂舞精神恍惚攝
其中豈僅得吾之眉宇揭來四十未能文欲挽六
鈞慚不武武不兼人文又疎吾生忽忽誠何補教
育欽承

帝澤長宥愆飽德

恩難數春和賡句侍虞庭秋日大蒐從鹵扈此圖猶
憶壬午秋圍合風毛麗血雨金鈴一响鵲爭飛草
枯霜老厓頭樹中林有鹿衝人來一矢殪之貫其

腑我僕橐弓增笑容歸營罷獵日卓午兔走鳥飛
已四秋靜思此事誠覲縷

君恩未報慚素餐靈臺日日循繩矩

題畫荷魚

鴨綠波間蓼荇碧羅扇底文鱗悠悠濠濮勝槩寫
來數筆清新

卽事索雲汀易堂渭雲和韻

小院深沈日欲斜我懷鮑謝興偏賒渭雲何事來
尤晚應學徐熙着色花

初夏直廬遲易堂渭雲

翛然清禁地飯罷午鐘初
花落三春後香消一炷
餘無人來問字待客且攤書
空見紅襟燕雙雙下砌除

題畫扇

新涼斜拂晚風殘
携向窻前帶月看
爭似西園清景好
一枝簷蔔數莖蘭

題四色花畫扇

支子

素華六出本無雙
暑月偏宜近北窻
到處林蘭出維
摩經清淨甚不須旖旎拂雲幢

素蘭

爲愛珍珍倚石欄
綉成湘佩卷冰紈
國香寫出幽人意
欲折猶疑露未乾

茉莉

透骨濃馨散碧紗
明妝小立午風斜
寫生不用添顏色
粉本偏宜刻玉花

鳳仙

弄玉情懷態自如錫名菊婢亦麤疎翩躚倒影原
堪繪不爲吳娃獨愛渠

送汪怡齋之官粵東

欲繫驪駒路正長欣霑

恩命歷炎方鳴榔楚尾吳頭去

順道抵家

製錦羊城鱗水

傍折柳臨岐還贈策擘牋別院憶飛觴珠江若得
驚人句須倩征鴻到北鄉

偕成致齋雨中觀荷卽次元韻並和易堂

萬朶亭亭露態鮮逼人花氣暮雲天雨拋銀豆傾

圓蓋風折紅衣半水田濯濯凝脂新浴後瀟瀟響
屨舞筵前况經謝客清詞好景物還應勝去年

恭承

恩命歸祝

母妃八耄壽辰因于西園演劇嘉筵志慶

聖德如天崇孝治欣承

恩命祝慈親慚無麟脯祈眉壽願着斑衣舞令辰雨
脚已垂波似鏡

冰顏有喜靄如春吳歛聊作南山頌從此千齡鶴

髮新

和致齋秋懷詩元韻

有序

今秋扈從

木蘭給假問省兩度出關久疎筆硯迨至深秋西
園日暖南圃風晴忽以佳章見貺因走筆用
次前韻少抒鄙臆未足效顰也

極目平原大火流歸途落葉滿荒疇鴉飛棲老邊
關樹蛩語驚回紫塞秋玉鏡金丸空際轉青山碧
水澹中浮何人覩物襟懷爽策杖鴻濛不掉頭

西風蕭瑟歲時更
槭槭霜梧打戶聲
回首卅年渾似夢
結跏丈室別生情
窻迎遠岫白雲冷
鷗泛寒汀秋水明
誰似維摩老居士
邇來鶴骨不勝清

宋玉悲秋欲斷魂
長吟我亦坐黃昏
登樓涼月侵天闕
捲幔驚濤壯海門
詩不求奇藏璞玉
酒偏宜澹酌漙樽
西園南圃渾無事
靜看爐烟細細溫
風物淒清水竹居
游心圖史值公餘
屏開六六香生久
徑轉三三草未鋤
警露崔翻松蓋濕
落梧風送雁行疎
玉川煮茗煩囂滌
此境翛然廓太虛

長至後五日祝 九思大兄六旬壽

六琯飛灰絳甲旋吹壘爰拍赤松肩採芝矍鑠酣
春酒餉筍殷勤肆綺筵官線漸長輝壽曜斑衣頻
舞得天全知 兄杖屨融融甚更待期頤慶澤綿
冬夜題畫

雪作肌膚梅作骨是誰阿堵善傳神眉分腕下三
分淺筆走燈前七字頻湘佩珊珊疑有韻越羅冉
冉不生塵莫言見慣渾閒事寒夜粧殘態更新
周昉巧繪十眉纖色澤何須近粉奩剛送全身遺

漢珮可堪半面隔湘簾吟梅心醉非關酒咏絮才
高不道蘊惆悵雁聲催錦字懶將心事託毫尖

晚眺

風勁山空老木殘鴉飛三匝暮雲寒月痕如水梅
如雪倚遍西軒弔字欄

冬夜示易堂

三徑霜寒靜掩門剪殘紅燭坐黃昏梅花影瘦三
更月竹葉香凝五夜樽開卷誰憐僵蠹冷圍爐不
覺薄裘溫易堂與我俱無寐應把新詩仔細論